

學

福

齋

詩

集

學福齋詩集卷四

雲間 沈大成 學子

嗽荔詩鈔

病目

百憂戕人身挺禍中我目其初淚橫流日久眵連屬徹
夜睫不交嚮晨頻頻蹙遠觀絡絜愚近睇施箭鏃茫茫
墮雲烟岌岌脩湯沐長者至我前錯誤禮不肅往昔辨
魯魚今或味馬鹿童豎竊嘲笑動定每局促我年未四
十衰耗來何速臯魚有深悲唐衢屢痛哭所由淚乾枯
以致光收縮況在五嶺南炎瘴日棖觸不見祖老公恃

才遭僂辱幸非熏蕪青曉人宜知足處世忌太明察察
叢謗讜正因屏昏蒙庶可免顛踣譬如行暗途風雨失
其燭黑白故難分滯滬多反覆跡同侯喜盲心異離婁
矚何須覓金篋聊用謝書籠

毒熱

交廣面正陽恰當火之位方春御葛衣嚴冬卻絮被况
當三伏時毒熱避無計羲和行高天祝融下平地四游
絕織雲彌望堆赤氣几席陳空堂觸手皆炎熾朝暮甌
甌中搖箠竟何界夏盡尙旱乾農夫實狼狽神龍困泥
沙列缺瘖而憤雨澤久不施誰爲愬上帝因思在故鄉

披襟集朋輩，滿塘清可游。
豆圃涼堪憩，茗椀及酒杯。
微風催午寐，如何萬里來。
跼蹐閉公廨，未昏蚊羣飛。
當食蠅先在衣冠對，主人豈異身。
荷械發言汗流漿，相顧覺荒怪。
夏瘴易中人，暑暘更爲害。
雲安老賓客，作詩徒歎慨。
何當如雷滿，伏水庶能耐。

七夕有懷

良時懷燕婉，永夜感淒清。
天欲黃姑別，秋令白帝驚。
殘燈昏客枕，踈雨下江城。
萬里同河漢，相望不肯明。

感秋

坎廞宜多感，蕭條况遠遊。
海雲長似夜，嶺月不知秋。
最

苦炎烝在兼防烟瘴稠天南無落葉何以寄牢愁

未見悲風至先令客意驚搗衣連海戶吹角起軍城戰
苦愁燐結時移霸氣平尉陀臺上望今古幾沾纓

百憂感我心起坐撫鳴琴孤館蟲聲繞空庭樹影深蓬
飛無定所瓠落少知音安得乘雲去羅浮發浩吟

零露添雙淚祥琴閱四年依然留外地無以報皇天松
檜荒封植詩書斷簡編最愁逢上食稚息拜筵前

美人舍我去萬里望蓬萊一憶當年事皆成今日哀蘭
心通夢寐釵股委塵埃潘岳多秋興因君閣筆來

岐路悲遊子稟秋念友生暗風催短燭踈雨滴深更詩

境篇章富勺泉吟嘯清

詩境官允師齋名勺泉殿
撰師所寓繆洗馬邸第也幾時

趨末席鳴韻酒邊成

異地分鴻雁頻年負鵲鷓秋濤珠海白夜雨石湖青行

路慚雙埃傳家愧一經乾坤皆逆旅與爾久飄零

余既客粵

而弟又在

吳日多

家遠書難準宵長夢轉非可憐挑錦字獨自守荆扉近
北紅霜早來南白雁稀高高出海月莫向故園飛

廣州中秋

萬里銀蟾過海流清光先到五層樓佛桑花底家家社
併作天南一片秋

見說今宵翡翠洲諸番吹笛盡來遊白玻璃椀紅毛酒
也向中華一賞秋

甘蔗

戍削流漿少甘寒結液良連畦蕉葉暗入市竹竿長

粵多

與蕉同種視我
吳產者倍長

土物林林玉人功片片霜酒酣持起舞

頗笑子桓狂

橄欖

愛爾經秋實纖纖青滿枝

古樂府有
兩頭纖纖

紅鹽爲豉好白水

瀹湯宜味足回甘後儻生解渴時茶餘懷核在莫使燭

光遲

取核燭上燒之觀其
爆火如滿以爲戲

西湖雜詩

叢祠金碧罨湖光兒女情深一瓣香持底南人偏好鬼

船頭擊鼓往來忙

金花夫人廟俗傳宜男報賽最盛

花木僧房曲徑偏把茆人指古栖禪劫灰化盡熙寧土

却剩埋香半畝田

栖禪精舍旁卽朝雲墓

六如亭子枕湖濱萬里南來悟夙因斷碣草間悲過客

白家樂部已成塵

六如亭

東江舟中作

東江江水玉連環艇子搶風灣復灣好學羅浮作眉嫵

夕陽無限額黃山

紅舷垂手削春葱小約雙銀翠袖籠
尚著輕衫搖大扇
嶺南十月自東風

南海神廟下作

黃木灣頭暮雨迷紅棉樹底鵬鴣啼
女郎十五髮覆額

廟裏時來拜達奚

達奚司空從祀海神俗傳專司求子

佛山鎮

十月佛山鎮土風異外方裝綿吉貝布
釀酒荔枝漿烏
鬼刀爲杖紅夷燭作裳
漢家威德遠此輩亦來王

瀆江阻風和曹子京

白浪高於屋瀆江水沒天客程萬里外
愁緒一燈前冬

近寒生被風狂雨入船男兒須作計飄轉竟年年

連州江口題虞夫人廟

明璫翠羽把軍麾殺氣橫江風雨悲十萬黃巾曾膽落
南中亦有李鷓兒

沉沙鐵戟已成灰千載滄洗玉帳開嶺海自多奇女子
詩人只說綠珠來

上水謠

勁篙刺石聲鏗然急湍春激珠跳船百夫邪許日幾里
上水送客蹇上天疾風吹山虎欲出蟄雷撼壑龍不眠
我生胡爲蹈此險五湖蝦菜花娟娟

自陽山之連州得詩五首

首路陽山縣重重山作關

入陽山界有地曰關口稅使設榷于此

客來黃

落後舟在翠微間雲雨疑三峽

自陽至連三百里中兩峽連山畧無闕處恍行

巫夔道上也

人烟雜百蠻浹旬在巖壑吟興亦蕭閑

窮邑人烟渺孤舟日氣沉溪穿一罅入路轉萬山深野鹿成羣出哀猿向客吟蒼然滿衣袂彌望石如林

半世傷羈旅青山餉我曹墜雲吞石骨急水濯溪毛豕

畜江船美

連人皆畜豕于舟飼以米麥及水藻視他處獨肥潔

酒來醺縣高

連酒皆販

自長沙味極甘冽卽但令行處是不必守蓬蒿

今日天氣好山蜂羣出遊時來懸岬脚忽復點船頭深

水綠兼淨輕雲漫不收喜聽舟嬾語明發到連州

遂爾羣山豁平原出一城浮圖雲外立

近州有二塔對峙

板屋

浪前生候吏驚灘險征夫快路平水程已匝月徒步也身輕

既之連州復得五首

尙染三苗俗孤懸五嶺中筒盛蠻婦布道伏莫徭弓猿
攫形何似嬰獐語未通南來經數郡獨此雨漫空

連在萬山

中無日
不雨

韓劉沒千載寂寞數篇詩花草悲過客鴉鷓滿古祠山
深雲自濕天遠日常遲故國隔江海登高有所思

林箐通臨賀風烟接洞庭城圍百雉小山簇萬螺青據

險蠻夷富連徭有八排十七冲皆防邊戶口零去州三十里地

名三江城特設副岳侯血戰地陰雨泣精靈宋岳武穆王知潭州

將同知以遏徭患嶺南諸將自賀柳會王子連

荒裔黃茆瘴征人白髮秋他鄉總行役空館坐淹留霧

沒墟中屋沙鳴灘上舟傳聞盛豺虎是物亦何求

嶺雲朝淦淦嶺月夜漫漫照地光於水縈臆影亦寒虎

偃枯竹箭連近歲多虎獵手夜埋蠻女野花冠徭女皆白哲跣

足好插野花踏歌盡說連州好青山儘耐看

有夢

寂寞登樓客，天南屬疾頻。況逢明月夜，相望故園人。嶺樹常疑雨，江梅已報春。一年消息斷，有夢亦非真。

白蟻

蛾子何處爭，雄亦可哀。但求坻垤固，爾雅疏其場謂之坻，或謂之垤。

肯顧棟梁摧。避雨紛紛出，聞簫遠近來。槐安曾告密，莫道絕嫌猜。

長至日自連州放舟將之南雄作

萬象含春氣，他鄉客未回。世情隨轉燭，天意託寒灰。嶺樹垂垂發，江風緩緩催。明晨看起柁，窈窕白雲隈。

自浚洗口之連州五百里中曉山暮嶼如入畫圖

舟子嚶嚶半迷其處歸途得方志閱之渾峽歷歷
靈怪尤出不揆禱昧寫以詩使連山水英坯官霍
肥漢淪陘之狀畧見於此

一入龍泉去飛流百道懸珠跳深樹外翠疊暮帆前城
郭人聲近松篁鳥語連倚空山不斷長得抱雲眠龍泉峽去

州城五里瀑布最多

日月光隱避炎方此獨寒人烟通木末舟楫下雲端王
宰畫不得女媧補未完林林立萬石杯底翠巘岈楞伽峽雙
峽窄削隱不見天隆暑亭午過者

毛髮洒浙石狀詭異尤諸山之冠

路轉羊跳峽輕舟傍險回崢嶸羣在水躑躅自成堆風

雨夜相失林巒晝不開何須尋靜福便可抵蓬萊

羊眺峽亂

石如羊靜福山在連州道書三十五福地

深洞窅無際寒風晝颯然平移千石筍倒插一池蓮伏

翼翻飛出乖龍自在眠昌黎墨蕭瑟山鬼泣南天

同冠峽有

冷然洞寬廣若數間屋鍾乳如林多白

蝙蝠時來撲人韓昌黎有詩在集中

此豈移象詔蒼蒼鎖寂寥倚天橫作障拔地盡成翹明

月光先到寒烟冷未消何當施斧鑿高刻楚人騷

大理峽石

壁如屏橫陳天末

行二里外始斷

桂嶺連三楚湟溪控百蠻雲頽潘美壘山東尉陀關深

峽奔湍急孤舟落日閑漁人數家在下網不知還

過陽山縣

有三峽勢最險峻，猿人散處巖崗，有陁由桂陽嶺之郴
永諸州。宋潘美平漢度師於此，南粵曾置湟溪關，連陽
門戶也。

洗口羣流匯，澧江高浪浮。村姬擔水出，猿女插花遊。寒

日移孤戍，連山帶遠舟。忠魂靈爽在，吟眺起遙愁。

湟水出連

州上承郴賀諸山之水，折而南流五百里至浚。洗口合澧江入海。南漢邵廷珙以兵守此，被讒見殺。舊有廟，今廢。

盧芥舟下第後去客南皮，不相見者三年。近知居
停絰吏議，恐有失所之歎。孤舟永夕展轉不寐，求
友天下，斟酌肴核，若盧者鮮。故懷之尤至。詩不能
盡也。

久斷南皮信懸知北客心三年憐抱璞一夕感鳴琴孤
艇風初定寒江月未沉思君無羽翼展轉不成吟

學福齋詩集卷四終

學福齋詩集卷五

雲間 沈大成 學子

嗽荔詩鈔

南雄元日

竹火報平安臨欄鵲語乾何來夜半雨忽釀嶺南寒春
酒紅椒實佳人白玉盤吾征逢獻歲率率亦爲歡

是日
行署

劇演

韶州元夕積雪苦寒爲往歲所無感賦

嶺南物候改風雪忽侵尋氣奪春燈暖光含夜月深飛
蟲僵樹底饑雀開牆陰無以消愁寂阿毫自苦吟

蛙

激聒何爲者官私費較量
吹唇撓鼓吹臍腹踞池塘
爾豈知句踐人今笑子陽
鞠灰沉一斛庶使耳根涼

鼠

寔數乘昏夜長須作隊行
穿墉窺卷帙遺矢到冠裳
勢逼嫌憑社身肥慣入倉
王人非子氏不肯付張湯

蠅

側翅何方至偏能到處飛
營營規鼎食一一上簾衣
終借蒼頭起甘貽黃閣譏
西風寒信早樊棘竟誰歸

蟲

有喙非三尺如何思負山大風紛散去炎夜打團還飄
忽乘人便張皇作響頑火攻殊下策連夕夢魂閑

病中作

颶風日日遶屋吼勢卷海濤衝屋廂病夫不起擁黃紬
蒙頭心悸若牛鬪後園吹花紅沒天兒童翦紙羣飛鳶
屋東汪老不歇脚頗聞吳客時掀髯我獨胡爲屏空處
三日不食氣如縷張喙雷鳴帳底蚊戴頭人立梁間鼠
况因小極謝青尊肝膈或藉詩情溫和墨一吟腸斷句
案頭頓返春燈魂瀉瀆遥遥六千里夢飛難越吳江水
宵短宵長愁不知春光九十移窗紙

戲咏紙鳶

翦紙餽成六翮輕兒童喧動野田行不因憑藉陵風去
邨會飛騰向日鳴控地有時還見笑刺天無用浪相驚
何人袖手堤邊立仰望雲端看得清

陳牧莊饋魚畫爲鼠食作歌自解

故人饋我銀鯽魚冰盤聶切江斐膚芼以豨膏和以醴
遺民膾具了不須病温乍起食指動經旬口厭荀家蔬
園官菜把漸不給釜底焦飯勞中厨故人深意豈有在
賞我骨鯁非面諛呼童急爲束書卷會稽美酒注大盃
爛醉便翳綠蕉臥懵騰恨少紅裙扶世間何事可預料

邑子強拉觀畫圖東鄰羣鼠矚我出曼延瓜跡周圍滿
僵僕觸屏起大咤公然白日負而趨爾鼠爾鼠何其愚
曷不去銜社公髭曷不去盜太倉儲有技不辦作大賊
徒爲同穴黠者相挪揄

題後園亭子

藥洲春水繞亭清羣石玲瓏畫不成豈爲諸公會載酒

後人無復續題名

亭下小池卽古藥洲宋會
布劉克莊諸公題名尙在

新荔出欄紅顚顚老榕壓帽綠垂垂嶠南又見春光去
官燭宵來減幾枝

歌聲猶繞畫梁塵高會毬場醉衆賓眼底戲車終變滅

當筵誰肯不如人

先日王人大合樂
燕督府諸公于此

枕椰橋脚水潺湲
牡蠣墻頭花欲然
蛙聒蚊喧無晝夜
惱人偏在熟梅天

四月十六日自廣州放船宿波羅江作

潮汐來南海蒼茫落百蠻
月光猶在水暮色忽移山
津吏更偏促征人夢
暫閑獨憐歌舞歇
沙嘴野花斑

舟行放歌

舟行唯日飲亡何以脚扣舷嘯
且歌醉中萬事不挂眼
羅浮杯底高嵯峨
雷師簪沙瘖不吐
老龍偃蹇同睡蛇
上田龜坼下田灼
炎官火繖常周遮
昨夜天公憫赤子

翻盆一倒傾天河舟人告我雨盈尺秧鍼簇簇搖清波
羅浮仙人曉梳掠兩山彷彿盤髻了可憐此雨勝膏沐
濃翠欲滴雙雲鴉爲我趣喚葛司馬相攜直詣玉皇家
閭闔森嚴不容入關門白晝立夜叉怪峰四百擁脚下
飄飄歸路鋪晴霞罔兩語景亦饒舌肥環瘦燕終空華
山中玉妃知我者嫣然一笑微生渦

舟行雜詩

石龍渡口雨如塵擁楫青羣一色新自笑吳兒真木石

遶船珠翠若無人

用世說
夏統事

拏舟來往羅浮下惟聽枝頭山鷓啼生世不諧爲旅客

人間何止太常妻

余雨過羅浮皆不得登

艇子杳潮瓜樣小
蔗竿上市竹梢長
侏儻汲嬾沙頭語
春水方生江漸黃

官舫紅油低壓蓬
南來日日打頭風
江寬水急不近岸
時見繹夫行水中

小艇如鳧拍水飛
女娃打槳著蓑衣
喚郎牽取船頭網
中有鰻魚一尺肥

雙輪激水滿田流
望裏新秧綠似油
高卷竹篷伸脚臥
一天烟雨過羅浮

博羅

雨氣漫江面中含柔櫓聲墟人爭曉渡沙鳥送行旌碧
樹全臨水青山半抱城羅浮牽客夢過此倍縈情

○惠州

厨傳推雄郡沙邊鼓吹鳴市橋連百艇

蘇詩所謂東新橋卽今城下浮

橋水驛夾雙城

府治與歸善縣夾江而理

帆遠疑無力山多不辨名

當年龍戰地過客涕沾纓

度嶺分得深字

粵俗傳秦嶺南征感客心

粵人竟于一路僑置藍關秦嶺諸名傳會可笑溪聲

時近遠山氣亂晴陰一徑穿林冷千盤出谷深去家將

萬里回首白雲沉

學圃齋詩集卷三
和曹子京蠻字韻

水石何參錯，雙旌曉度關。
片雲南盡海，疊嶺北通蠻。
黃愛鶯兒酒，嶺上飲衢酒甚美青憐螺子山。
一犁甘雨足，語笑野

人閑。

和友人歲字韻

仰首闕雲漢，臨空客意揚。
江清孤渚出，天豁萬山歲。
老牴翻田潤，新蟬吟樹長。
我來逢雨後，落蕊濕征裳。

蓬辣灘

江漲縣流急，灘師捩舵牢。
青天隨峽轉，白浪挾船高。
迅激千鈞弩，橫飛一羽毛。
國殤英爽在，晴晝怪風號。

客夜

八千里外將歸客三十年來無住心嶺嶠間關山郡小
魚龍寂寞夜江深眼前夢幻西方觀枕上迦陵南海音
却愛月痕如破壁冷穿庭樹每相尋

三河壩夜泊

日入船皆艤孤烟何處村灘鳴連晝夜海近易晴昏桑
下徒三宿花間祇一尊盈盈江上水越散有吟魂

嘉應月夜用東坡先生聚星堂韻

長河無波雲無葉廣庭月白如堆雪東陽倦客耿不眠
起聽門前更欲絕空館風悽枕簟涼紅槿一枝誰爲折

夜靜聞呼那孔賓山鬼吹燈半明滅我從江南至嶺東
驚濤萬里片帆掣梅州城頭斗柄橫故鄉何處眼空纈
新瘴悻心坐恆擾小詩脫手每騷屑高門縣簿奈何許
飄瓦虛舟俄一瞥滿堂考擊日紛紛寒竽羞澀吾何說
男兒窮來亦賣漿霜脅無聲泣老鐵

食荔支

自來南方食荔支客每怪我久無詩譬如美人數晨夕
欲加刻畫亡其辭魏瓠晏棗供盍噓上林簿紀殊約畧
祝融倒拔珊瑚枝火齊磊落豔城郭去年憶在佛山舟
今年喜住程鄉樓司馬郡將紛致餽此果飽送填珠邱

涪城楓亭賺人口李唐趙宋侈進奏那如交廣當正陽
丁妃王母出神構紅紗中衣態無方阿環失笑冰肌香
初驚槃聚赤豹血旋愛齒流金滷漿我家江東居近海
市舶入吳時載此或漬以酒玻璃餅橫陳嚼蠟無乃爾
君不見世尊紺脣喻蘋果妖姬好口同櫻桃檀梨橘柚
各有美海山仙人非其曹

嘉應行館短述

州圖扼山海炎瘴起昏朝雨氣含沙尾苔痕絡樹腰心
依智度論句續左徒騷爲客南中久方言漸近獠

南食寧噉口行厨日萬錢鬻帆堆碧血蠓屋裹紅涎禾

夜更初動微涼坐自堅湘吳有醇酎誰餉外江船

粵人呼我

輩爲外

江人

月出江如鏡紅妝梳掠勻酒邊一握笑扇底十眉新海

國誇龍伯秦時號蠻人年年輸兩稅獨未列編民

土人擯之

不與戶籍

羣山青滿戶斜照紗雲沙市鬻仙人繭村連女子花殊
方風物異支郡水程賒信美非吾土淹留起客嗟

檳榔

瓊海胎嘉實天生壽瘴鄉醉心兼綠葉到口自紅漿翠

盒頻來客金盤新嫁娘

粵俗以此敬客而嫁女尤尚之

相如因作賦南

食首賓琅

相如賦
作賓琅

朝雲詞

尚有孤亭在春雲處所無當年留一鏡人說是西湖
惠州湖繞寺杭州湖繞山家鄉與墳墓揔在綠波間

東莞舟中七夕

一爲度嶺客兩見過河期人世新惆悵乾坤古別離華
星藏宿霧積水漲荒陂申旦何由寐風帆去不知

喜晤朱企田

昔向長安別今爲嶺嶠遊坐移一片月來照五層樓丹
荔傾新釀緇塵拂敝裘男兒懷有筆無用歎沉浮

椰子

爾豈檳榔族果然亦日南瀉漿成美酒去肉試泉甘寫
狀鴟夷似分香佛手堪越爨煩細切咀嚼助春酣

其肉與實

椰同食尤易醉人

送友人入閩

經年旅館久相依此日征帆獨自飛嶺外交親君又去
先是送張次英外兄之豫章天涯飄泊我全非孤舟夜靜村舂急長
路秋深山雨微同是有家歸不得臨分諄復更沾衣

粵遊詩七十八韻寄內

象緯森規外舟車際海邊去家將萬里爲客忽三年舍

次終靡定風波久漸便鑄局尋故事結制抵枯禪林靜
園依竹渠明府在蓮散材回匠石小技比輪扁良夜飛
杯葦華筵湊管弦嘉魚寒出峽瑶柱暖浮川新會圓紅
大增城挂綠鮮嘉魚產肇慶大小湘峽江瑤柱虎門最
多橘荔以新會增城出者爲貴挂綠其
名因之忘況瘁庶以託狂猿朱墨濺笙簞杵杵雜簡編
炎烝人在甑卑濕客居淵靈積憂天漏颺狂怕屋穿未
昏雲似墨將曉瘴如烟窗潤脩頻破衣徹浣更蕪判年
猶御葛送臘未裝棉鬲滿邪常聚筋痿氣不宣枉心蟠
豸穴牀足壅蝸涎鼠黠公行竊蟻遊高慕羶檳榔卷葉
小椰子裹漿圓寢饋須排滄陰陽易鑿愆竟同席不暖

自笑坐寧堅旋聽辭都府紛來上驛船波羅潮獨險

波羅

江卽古黃木灣此地海潮尤險

蓬辣艇真懸

蓬辣灘在嘉應州船

光口

清流駛

自冷光口至連州上水五百里清徹可鑿眉目

滇江翠峽連

由韶州下英清江曲

峽重景最奇秀

下灘一擢疾上水百夫牽瀧吏迎墟市屯兵護

海孺郵符騰鼓吹戰艦密戈鋌艙狹眼肥豕罾寬起縮

編船人飼豕艙底以捕魚爲事

船頭沉楮幣舛脚篡牲牲

粵俗夜于船頭焚紙

錢事神最謹而學使按巡祭行則喧奪羊豕自若也

環餅歡相餽枯魚悵每煎

自作餅餌餉客所食漬魚極可憎

擔夫行沒踝伍百立齊肩恒怪巢同

蘭尤嗟輿類篋蒼黃皆下榻譙讓倍爭田岐嶺穿深箐

韓祠俯泐泉

昌黎謫潮曾聽于此祠外有泉甚甘美

丹青存古貌文字換

新鐫

無下列置東諸侯碑版

樵徑千盤入雲門一綫綠蕉陰紅掩

暖榕景綠芊眠置頓通衢遠人烟長樂偏

通衢在嘉惠之間行人節

焉下嶺卽長樂縣矣

乘時思陸賈望古笑高駢南服喧通道中原

困著鞭盧循妖屢作劉隱祚寧延野哭人悲瑁軍行嶺

指銷

南漢將邵瑁以譏死國難梅銷率百越從高帝入關

便房幽以搗漆火冷猶

然

劉氏陵墓在番禺山皆爲人發

奄宦終爲禍偏隅不自全素馨砌

黯黯紅豆泣涓涓

南漢妃媚珠墳上素馨最盛今其地名花田

有客過循惠

斯文仰固遷江山增勝槩兄弟盡華顛

子瞻居惠州亦謫循州卽

今龍川

爲感熙寧後因傷至正前石填精衛海柱折大鵬

天大雅推前輩鴻文絕衆賢南園衍派遠

明初孫黃黃哲王佐趙介

李德首創詩社所東嶠得名先衆製成才藪二家有大

謂南園五先生也謂陳恭尹梁藻亭王桂陽遙屬嶺支郡獨推連遠髻

篇浦衣吳山帶諸公解還散垂鬟美且鬢寂寥舒巨蹠凹凸出高顙摩若堂

皇闢張同帷幕褰廿猶巡禁令乳最結盤旋連州銀礦最多而鐘

乳尤奇詭可喜華首開圓覺羅浮華首臺爲剩丹霞蔽別傳丹霞

山在仁化澹歸釋千燈分掩映一勺遡潺湲蘇詩又試

禪師手闢別傳寺甘恣髮羹墻在拖眉衣鉢專叢殘收散帙寥落問荒阡

春夢迷胡蝶秋聲咽杜鵑二公從逝矣五嶺竟憐焉嶺表

風雅近已不可問鴻朗隆千禩休嘉市八埏尼珠來印度僧寶

自于闐西極兵新偃澤旺欵南郵稅屢蠲揚庭雲縵縵

賈野帛爻爻

時方舉鴻博之士

有願依餅拂無材備埴埏激昂

歌白石安穩卧青氍作賦窮馮衍治經考服虔足餘幾
鞞屐手澀一囊錢井曰持門戶蘋蘩奉豆籩却能閉簡
翰聊藉解憂帽故里秋光好東籬霜蕊妍蟹胥黃滿殼
橘實紫同拳何日帆容與兼程水溯沿候門一握笑遠
客喜新還

九日燕劇感賦

嶺外重陽已再過菊花無恙鬢毛多
甌餽匝地翻蒼鷲燈火圍人卷白波
六詔軍書今已息三吳秋稼近如何
滿天風雨更籌永愁絕珠孃一曲歌

讀徐則所羅浮百咏題後

道遠七千里雲深四百峰美人悵何所仙客詵難逢
雨送孤舟棹灘爭靜夜鐘平生詩酒興到此十分濃

吳中振齋族父招飲寓齋酒後與時大學甫稽三
詩言分韻得籌字

深夜客皆去小牕燈不收年時已破臘嶺海尙疑秋
幸共一尊酒無嗟萬里遊露華庭樹滿坐久潤香篝

經年

晨星三五在遼落坐秋空豈少知申叔終當藉子公嶺
雲連草碧船酒曠蕉紅浩蕩扶胥口經年繫斷蓬

卷五
終

學福齋詩集卷六

雲間 沈大成 學子

嗽荔詩鈔

長壽菴

萬瓦環城下雙峰起海傍花沾天上女金輦日南王建菴
由海上諸蠻故極闕麗後主僧
石蓮以姦敗遂荒圯不治矣 蛟蜃寒無氣蘭蓀野有
香莫拈六如偈眼底贊公房

蒲澗寺

古寺尋蒲澗山僧一二存天風吹石壁清嘯落松門地
暖春先到林深晝亦昏蘇公有詩筆長照白雲根

山中雲淙別墅陳元孝先生讀書處也有懷其人
援筆爲賦

仙人指滄海處子泣枯桑自有鸞凰嘯而爲日月光東
籬重漉酒北渚一褰裳欲問雲淙路悽悽暮雨黃

登鶴舒臺

仙人安期
生飛昇處

至人龍變化晞髮到扶桑老鶴一舒翼高臺墮混茫楚
兵猶苦鬪齊客已伴狂何處尋仙躅年年澗草香

元夕天后宮觀燈作

妖蜃噴金殿猊龍挂玉繩神妃曾駐輦番鬼此然燈甲
煎千枝火玻璃一片冰年年陳寶物海志載難勝

波羅江口望南海神廟作

南去連天水中浮浴日亭風烟通遠鳥礮火出重溟白
晝精靈接清波蛟蜃腥幾時擊銅鼓一薦杜蘭馨

虎門夜泊

夜壑千竽籟扁舟一羽毛乾坤蠓鏡小

香山嶽名

波浪虎門

高客夢通秦望

我鄉海上
有秦望山

吟魂託楚騷東南形勝在懷

古笑任囂

石龍望羅浮作

羅浮三十六面面立芙蓉春雨如膏沐美人翡翠重酒
鑪紅樹覆香市白雲封吾欲騎胡蝶高尋第一峰

四百君何處蒼然水口西一山割蓬島萬壑落香溪
龍之羅浮舟行三日即至有水名羅陽溪桑柘村莊接鐘魚野寺迷自來無
刻漏昏曉信天雞

靈嶽一以眺孤舟三溯洄

子此行已三過羅浮皆跂脚遙望而已依人作活可歎也

幾時攜玉女共上法王臺紅翠春山響松篁夜壑哀蘇
公濡彩筆曾埽白雲開

博羅道中

岡巒圍縣小烟火出城微青愛羅浮出紅憐吉貝稀睡
多因縱酒寒重屢添衣向晚鳴榔急東江魚正肥

舟中得句

日遇狂風宜寂寞舟行上水更遲迴晴山一片翠不斷
春樹數株紅自開常恐尊中酒易盡最憐蓬底燕頻來
清溪尙遠何時到戍火軍笳起客哀

東江櫂歌十首

朝吹木棉花暮吹桄榔樹春林爾許情留郎三日住
開船當頭風住船打面雨客行值三月風雨終一遇
風雨爾何故來與郎爲仇郎自阻風雨却憎妾行舟
水石鬪而吼春風不慙閑東行怕蓬萊西去怕烏蠻
阿嫂用長篙阿姑用短楫日日在清波雙足白于雪
村女朝出汲一一立水中回頭問郎家辛苦與妾同

蒙頭大青布衝風撐船過馮夷亦美人不肯一憐我

東江出蠟石鷺黃好顏色上絳復下絳拾來爲首飾

艙中新米盡忍饑向誰語欲止阿憇啼上山掘番積

粵人

呼子爲憇
其音若宰

一春無白日但見吹狂風狂風何時息去看晴花紅

自河源之龍川山多灘急舟行極難因賦四絕

東江日日遮蓬卧急雨狂風惱殺儂一過河源山盡出

扁舟飛入萬芙蓉

灘水灣環最有情一灘未過一灘迎輕帆泛泛如鳧雁

亦戀春波不肯行

半月春陰不見天
行人尙未到龍川
水如環佩知何所
徹夜灘聲鷓鴣客眠

上水撐船如上天
竹篙裊裊戰潺湲
君行但看灘頭石
到眼蜂窠半已穿

重度岐嶺

踰此已三載
依人又復來
萬山襟楚粵
一嶺夾循梅
樵女紛紛出
春花寂寂開
新筍蘆酒美
雜坐且銜杯

梅州道中

春風吹急雨送我
下梅州
亂石流雲氣
高林鎖暮愁
嗟
跼猶遠
客吟嘯
只孤舟
莫放尊中綠
蕭蕭鬢欲秋

江漲

江漲何時發平添萬里流沙沉高岍失水載遠村浮天
使蛟龍喜人同鷗鷺愁狂風兼急雨況復打船頭

春夜

孤客當春夜脚踟躕未能深林鬼嘯雨空屋鼠窺燈官
酒憂頻減新詩喜日增茲遊寥閬甚何異住山僧

客懷

但覺客懷惡惟添睡思濃春燈孤照雨高枕靜聞鐘巢
燕銜泥急庭蕉抽葉重年光逼寒食涕淚隔吳淞

理蕉三十六韻

中庭有芭蕉其葉大而肥自我來嶺南客潮雨見之前
年四月夏今年三月時前年未成叢數葉疎自佳今年
已如林萬綠何參差俯仰發吟嘯婆娑以悅怡恍如迎
良友青幘絡繹飛又如遇美人綠衣微風吹獨嗟春寂
寞每悵雨淋漓舊葉爛不脫新葉柔已摧新舊旣相軋
清景日離披時運有代謝草木有榮萎舊葉太無賴憔悴
不自知翠裙裂百幅將焉用此爲晨起呼羣隸捉刀
緣長梯小大悉搜剔次第加芟夷破碎失高天荒蕪除
庭隈斯須新葉出一一濯明姿疎密皆有致向背頗得
宜人情本厭故尤物須護持勞彼片時力成此一段奇

靈妃感我意神光孕胚胎夜半火齊吐已開墻東枝重
重自相抱纒纒自相依盡訝紅齒舊而浸碧琉璃花坼
落嘉實剖之甘若飴登槃一梳黃不減輕紅肌我將施
茵席且欲羅尊罍乞我賢主人爲我瀉玉醅弋仲渴已
久伯倫病可哀況當三五夜良月入我懷便持荀家蔬
來盡山公杯爛醉葉底臥綠天足徘徊荒唐野夫夢蕭
瑟狂僧才歡樂莫後時白髮頭上催因悲杜陵老徒吟
除草詩

鳳凰臺

臺觀環春水凭高愜遠情長含蛟蜃氣却得鳳凰名深

樹紅藏寺臺下有石羣山青向城殘僧一二在茗椀話

無生

開元寺

步履開元寺杪擺滿院陰三幡演法地一笏住山心客
愛春鐘遠僧依佛火深使君曾署榜香墨滿珠林

廣濟橋

萬石中流立飛橋一練橫白波江接海紅樹市環城無
假靈禽力虛傳仙客名俗名湘子橋抽帆風正順舟楫得安

行

題韓山書院

講席開南紀公來倡古文暮山千嶂雨春水一潭雲
豆元和遠弦歌洙泗分幾時興復在巴蜀有神君

齒墮二十四韻

我年未四十衰狀已約畧自從之嶺南瘴厲日腹削目
眇久不愈齒齟近轉劇吹唇礙枝撐閉口束崖嶠饑思
啜肉糜渴欲求湏酪兼旬罷詩書經時屏杯杓誰爲拔
禍根固應勝良藥茲來客梅州我齒愈作惡時時發壅
腫往往若毒螫徹夜不得眠對食豈能嚼蚤起催晨餐
就坐強酬酢雙箸衆正喧一齒吾忽割動搖及左車血
臂牽上齧流涎失攔擋捫舌增寥廓剝缺攢鋒鉞空豁

漏羹臙大楚頓覺平老饕宛如昨硬哉志齷浮餘粒煩
手摸太剛折固宜座客羣嗟愕我嘗閱方書實坐酒爲
虐日久召風淫有蟲潛窟宅豈伊慕劉阮而乃致跼蹐
狂態倘復萌此疾恐復作安得鐵如意一擊使盡落不
見張丞相神仙未爲樂

梅州歌十二首

屢作梅州客新翻梅州歌梅州江上過百錢不爲多
阿姑初來時磐石不可移上頭作阿嫂狂花不自持
豈無白璧姿而爲蒼蠅汗但怨岸上親莫怨船梢夫
出浦射鳧雁入浦射鴛鴦鴛鴦各自宿驚起不成行

橄欖點茶白檳榔包灰紅爲郎解口渴使郎密意通
曉妝施朱粉欲求面生光晚妝沐膏澤欲求髮有香
髮香媚郎夜面光媚郎朝可憐盤龍鏡唯照董嬌嬈
乞郎雙明珠爲儂垂耳璫乞郎疋紅羅爲儂貼身裳
牽裳不忍別怪殺汝南雞豈識背面笑但憐對面啼
生小善塗飾盈盈皆如花遂令蕩子心思儂不思家
采藍染儂衣采茜染儂裳顏色有時改儂情豈得長
的的芙蓉好花時攀折齊何如作蓮藕相守在於泥

清溪

清溪翠不斷繫纜萬芙蓉石氣蒸朝雨灘聲喧夜鐘蛾

眉成昔夢鳥爪指前蹤豈定王懷祖終當愁殺儂

新晴望羅浮作

不信粵天作漏天羅浮長見雨纏綿今朝忽地吹雲去
亂落芙蓉酒棧前

羅浮瀑布九百九此景初晴見更稀何當醉上鐵橋峽
一看水簾高下飛

秋風收雨秋山開白日流光滿翠苔絕愛羅浮好眉嫵
美人梳掠入簾來

七月十六日大風雨夜忽有月感而爲賦

頓卷羅浮雨高懸河漢秋美人抱明鏡遙夜過妝樓榆

國朝詩話卷之六
柳幾株影關山萬里愁可應騷客夢更傍木蘭舟

南海縣署喜晤金壇史臣在

白下昔相別淹留忽七年秋風五嶺外舊雨一燈前徐
孺初橫榻稽康每拊弦蕭閑多逸興素月正流天

往日長千里青尊集勝流故人多珥筆

謂荆溪翼聖宮
允金匱樹峰編

脩我輩尙登樓笳起軍城夜帆開瘴海秋豈知攜襪被
復此話沉浮

學福齋詩集卷六終

學福齋詩集卷七

雲間 沈大成 學子

噉荔詩鈔

○震澤顧我錡湘南吳郡名士也向在金陵與余有同志之交既別七年無日去懷近金壇史臣在之粵知其下世已久嗟嗟湘南有才不偶視世之懷銀黃夸鄉里者果何若也而卒窮困奄忽以死天道尙可問乎挑燈濡翰遙哭以詩成八百字悲來填膺拉雜無次不自知韻之重出也

中秋月四五我歸自羅浮因過南海署闔戶有史侯初

來自江東乍繫萬里舟坐定問我友首及顧虎頭史侯
為愀然曰尚不知不人生若朝露不如彼蜉蝣顧君未
四十宿草被荒邱聽之氣嗚咽罷去不能留獨夜對孤
燭北望涕泗流蕭蕭風滿牖煩冤助我愁憶昔辛亥歲
來遊白鷺洲九龍老詞伯謂劔光
老人開尊集朋儔君也顧

而脩蒙茸青羊裘長揖闌入座舉杯飲不休其時長干

塔吐爛墮黃虬賓客羣為賦執筆或咿嚶吾子發高唱

萬象供雕鏤座中最年少元方與少游謂元和陳和叔
金匱秦樹峯

同聲而繼作洪鐘撼江樓箋翰既駱驛臭味遂相投翦

燭每達曙几席翻觥籌倦僕觸屏風饑鼠啗衾幃拊掌

起大笑萬事付悠悠君生吳淞江其地多勝流犀月樂

隱遯

俞先生
死殊

漢槎嘆幽囚

吳先生
兆騫

健者推次畊

潘太白
史未

衣翔瀛洲接踵三賢後高步文選樓專門治七經子史
亦旁求牙籤富藏弄一一手親讐獨探明月珠揮斥羣

蚍蜉森然發凡例堅陳列戈矛我時從借觀書部快苗

蒐丞相春風亭迢嶢照南州館穀六郡士蹀躞皆驂騑

君如千里駒昂昂就鞅繼骨相豈無偶神駿誰能侔至

今誦鴻編堂與闕韓歐

今丞相鄂少保爲方伯時建春
風亭延江東諸名宿講藝其中

刻有南邦黎獻集顧所
作十三經注疏序極佳

初君之山東岱宗會夷猶絕頂

觀日出側身俯河流青帝諸玉女粲然和清謳中間憩

華不最後過魯鄒獨上大庭庫舒嘯滿青楸欲彈龜山
操慨懷念孔周一爲三齋客長卧五湖秋放權弄烟水
采入歷竄幽芙蓉七十二窈窕尋蹇脩美人不我與回
首鬢鬢愁猶存百篇詩想見當時遊季冬氣栗烈歲月
忽我適我時將還家實與君同舟北風寒波湧飛雪亦
以稠中夜絕大江金焦落雙眸京口酒堪飲大杓買新
芻孟公賢父子和叔尊人少章先生令兄古人求顧從兄能斟酌一
船中圍爐恣倡詡妙論得支許聯吟陵曹劉自謂平生
樂皆忘逆旅愁良時不可再後會永無由前年

詔書下草澤勤羅搜不見君姓名尙疑君居憂我已大

歎詫斯人乃滯留豈意墓木拱永閉泉扃幽況君孝行
高養志媿前脩方將肯堂構何止洗厠膺吁嗟乎皇靈
夢夢真昏瞶跖壽而回天孰能知其由奪我同心人風
雨何時瘳我聞君有子十五翦秋眸雖未破萬卷已能
解千牛庶幾讀父書早耀珊瑚鉤至人達大道生浮死
若休所怪操鑪冶好惡不相謀康瓠乃見寶九鼎棄道
周嘻乎我湘南生時抱牢愁今已化異物莫懷千歲憂
君昔好我詩歌虞路曷由酌酒告巫咸乘雲爲我求上
當要天路下當歷九州臨風一放招涕落不可收金虎
亦感動萬里回素旂

舟上連州七首

放棹連州去，秋山聽鷓鴣。
乾坤開楚粵，歲月老江湖。
吾道荒行役，高風凜步趨。
南征拾香草，孤客得歡娛。

碧澗千盤落青天，一綫開渾疑仙。
路盡忽見客帆來，地僻喧幽鳥山深。
結古苔正當秋氣盛，明月共沿洄。

置我巖巒裏，邀人雲水間。
萬篙爭石急，一碓轉輪閑。
樵汲猶姬出，偵巡戍卒還。
嬰齊無遠略，孤負此重關。
尉陀建

溪關以塞嶺道今在陽山界首
津吏設權于此卽所謂洗口也

木葉凋殘後，村墟寂歷中。
江流奔月白，山燒徹天紅。
地與三苗雜，人今貳負同。
却驚弱女子，處處有祠宮。
自洗口至

連皆有虞
夫人廟

山勢昏朝異垂垂石汁多
璫樓彈指見寶鬢蓋頭過影
倒晴江好光爭明月何楞
仰峽內宿更折萬枝荷

乘此南風利揚帆入翠屏
魚梁當峽偃虎落倚天扁
夜氣昏疑雨秋星疎似螢
船人日舉網蘊藻有奇馨
久笑路傍埃今嗟灘下舟
重山無白日深峽自清流
橘柚殊方味鱸魚故國秋
不須遙望古俯仰鎮多愁

連州雜詩四首

湟溪重歇脚埽舍暫磐桓
冬近天難曙山深氣早寒
舊牀依壁穩殘紙補牕寬
但得題詩處何須湫隘看

兩作連州客皆逢搖落時人烟三戶少鼓角一秋悲野

寺猶知徑名山屢失期

余屢欲遊靜福山不果

重來登燕喜憩息

後人思

山陰陶儀部德燾刺連重建燕喜亭號能吏

仰食南中久唯愁到桂陽從公求菜把爲我覆壺漿

余久

斷桑下寧堪戀槐安徒自忙幸生唐水部屬饜在篇章

州人孟賓于官水部詩刻府詩統籤中

依人皆類此何必慕嘗原偶爾遮瓶雀窘然在檻猿越

吟愁孔翠楚些感湘沅

連與湖南隣境

何日龍泉過灘聲萬石

喧

去連第一峽名龍泉

遊燕喜亭用東坡先生東湖詩韻

杪秋四游淨鬱鬱天如藍窈窕尋古亭晴暖登陟堪暫
入磨巖羣恐爲山林慙亭下多亂泉湲湲疑流泔東折
穿石出泓然清成潭獨擅一州勝長峙五嶺南韓公留
鴻筆大氣猶負涵萬象赴耳目不厭遊者貪平生愛登
眺嗜好過肥甘况逢佳山水坐嘯尤所耽俯仰良已足
何必窮幽探路逢樵蘇婦垂髮戴荆簪溪深過濯足往
往拾螺蚌今年木棉收其利敵春蠶連多山田
皆種棉花 猺女亦
時出采掇皆盈籃熙熙同編民時清罷誅戡靜福當我
前白雲滴層嵐上有千年松毛鬣翠氎氎仙人不可接
懷古念彭聃冬近鳴鳥稀唯見低飛鷓逡巡叩野寺天

龍何妘妘笑彼題壁詩荒遠同問郊北風變白日倏忽
莫雨含披榛覓歸徑下上路龔諳往者陶使君來遊成
美談辛勤復此亭載酒屢停驂自去直尙書雲山隔朝
參麗句墨淋漓老僧收一函古跡嗟淹沒存者無二三
興盡入城去衙鼓濕齧齧

王黃門枉和余詩見示自連湖英船窗多暇戲倒
前韻復得七首

晴山青滿眼來往儘堪娛一水雙厓束孤舟萬壑趨舉
烽連海嶠列戍控荆湖慣作南娛客從他叫鷓鴣

寒蟾當四五歸棹復沿洄秋老林辭葉年深石滑苔

孫興

公天台山賦踐
莓苔之滑石

路從螺髻出水泛鴨頭來曉起蠻雲漲
漫漫白不開

桂嶺分苗界湟溪指漢關客帆穿石隱野艇趁墟還向
晚游蜂鬧初寒放牧閑靈旗時出入雜遝碧波間

荒塗藏雉翳亂石負牛宮土俗村村異叢祠處處同波
漂三峽黑霞摺一天紅寂歷前溪晚滄涯落照中

英峽吞秋水峰峰插翠荷遠遊尋鮑葛高詠抗陰何又
向雲華憩新從靜福過滇江如變酒一吸未爲多

和詩有以

酒銷愁之
句故及之

嶺表初冬候繁花盡吐馨已多流瀨雁尙有傍林螢白

日高城暝青天巨石扃李暮能擲笛一爲裂雲屏
感慨因鄉問閩益旅愁把詩消永日屬疾過窮秋壅
水沙仍走頽山雲不流頻年漂泊客魂夢亦扁舟

滇江途次得故人盧介舟書喜賦長句

西風疊浪粵天陰望遠滇江思不禁六載間關孤客夢
數行珍重故人心清時却作溝中斷薄俗何知爨下音
早晚水巖求片玉東柯歸看墨雲深

芥舟來書索硯東柯文子先生注杜

詩處也

得俞成之書作此奉簡因懷王崑壁顧茹山

良訊兼金重知君返故林慨慷思射虎寂寞寫來禽楓

葉三江冷藤花五嶺陰同心懷二子延佇不成吟

江雨

船背雨方急江頭天欲明
遠書增客感獨夜起鄉情
寒入秋衾薄風沉戍鼓輕
南來將十日未到曲江城

始興江口哭王剛中

倉卒巫咸欲上天誰爲臯復越
江邊荒村破廟藏題湊
莫雨寒風送紙錢永訣唯餘兄弟在
殘詩尙有故人傳
明朝當下瀆陽峽愁絕空山叫杜鵑

廣州晚發

風正蒲帆飽乘流興不窮
浮天春漲白入夜海霞紅
戰

船迷茫外番兒語笑中新正猶未破過眼綺羅叢

佛山夜泊

雲藏江月小暫向佛山留一市人聲沸千帆燈火浮春
潮來遠海高枕此孤舟老作南中客思家無限愁

三水

乍歇統如鼓昏昏烟際村春愁偏餉客短夢易銷魂萬
嶂開三峽雙江走一門塊然常獨坐陶寫賴芳尊

遊七星巖

帝車指南極散落在端州絕頂窺天小迴溪載石浮百
年增客喟萬象赴春愁剩有哀猿嘯隨風入舵樓

飛蟻

炎天五月五我時客韶陽正晝苦毒熱深夜猶未涼露
坐廣庭中有物羣飛忙一一由柱出紛紛當天揚氣臭
頗腥濁形狀殊鴟張下上階闔滿出入頭面妨欲逐竟
無策求避將何方呼童問其故云此穴屋梁其初本白
蟻卵育深匿藏日久生羽翼大小隨風翔構厦外雖完
蛀嚙中已傷勢岌尚蟠結禍成欲逃亡拉然在目前俯
仰憂奇殃細思豈可忍蟲豸乃披猖汲水注大甕引燈
置其傍堪笑醜類愚相率趨火光焦灼陷楚炬浮沉積
秦坑盡殺蓋自取一死不足償常聞此蟲出明卽風雨

狂蠢爾既知時而不慎周防因悲承蟬蛸更念轉丸蜨
耳目快清豁援筆遂成章

學福齋詩集卷七終

學福齋詩集卷八

雲間 沈大成 學子

嗽荔詩鈔

盧芥舟見懷二詩辭旨俱美久未能和仲春之晦
再之端州苦雨甚驢慨然繼作得五首

忽復六年別扁舟嶺外行古人猶負俗我輩豈爭名積
雨春迷渚崩雷夜壓城端州江上客感慨爲君生

誰似盧諶決飄然故國行南宮雖下第東府已知名芥舟

三試皆薦得失任公釣羸輸墨子城請看紆組者豈定筆花

生

吟社聞興復芥舟書來知唐堂師新復醉白池詩社愁余獨遠行我師扶

大雅諸子盛才名翠駁烏絲絹春鶯白苧城自從陳夏

後重見海雲生

羨子家居好討春隨處行門從元晏立謂芥舟大父文子先生閣

爲孟光名白詩紙闌蘆簾著孟光杯杓羅三雅縑緗擁百城更聞

求仲輩縱飲快平生

若問南征客渾如託鉢行西江新問渡端江自粵西來東嶠徧

題名詩老分吟席謂含山徐達菴仙人指化城余近閱華嚴頗有悟入幾

時理歸楫卮酒話勞生

王樓山先生既出啞嘛酒饗客復作律詩見示因

呈二十八韻

連旬積陰雨嶺外氣已秋
府公開家釀中宵燕賓遊
雨童提大甕偃僂來庭幽
安置妥不欹枝撐承四周
至味出泛齊玉蛆自沉浮
插竹爲渴鳥到口香液流
一吸潤燥吻再吸換枯喉
三吸氣洋洋春風入髓柔
座客皆起旋維然進品羞
羣飲旣接踵俯醜還低頭
或如奔長鯨或若引潛虬
白波俄盈涸挹注無停留
頻聞趣提湯往來走不休
底須勞巾漉直可廢牀笏
汨汨向甕中寧異尊而抔
公言郢筒酒古法不可求
至今錦官城獨此相獻酬
田家會媼戚歲時祭糈劉
行客過其門往往弄觥

籌其時公齊年同郡有劉侯酒酣各稱詩老氣橫九州
巴山蜀山外蘇公虞公儔我行半天下嗜酒識其尤太
原愛索郎其次數秦郵紹興及滄州徒能動王侯那如
此酒醇終晏尚油油長願哦公詩爲公傾百甌相從文
字飲醉卽倚南樓

羚羊峽采硯呈樓山先生

采硯羚羊峽歛嘔下翠岑萬夫勞積日片石抵兼金大
璞雕天地高文照古今秋堂雲氣滿感激爲知音

小山和樓山先生

坐者爲嵩行者岱奇章甲乙我能論一卷雨後翠欲滴

也復峻嶒竦處尊

小池

漫郎石魚唯載酒韓子盆池堪賦詩費得公家數餅水
秋星無數影參差

題巴郡劉鷺溪列女史餘

錯采鏤金脫手新管彤也復句嶙峋蛾眉螭首真風雅
豈與離騷作後塵

金壺瀉汁筆鋒銛銛褒貶蘭閨一字嚴西子何妨竟唐突
肯教刻畫到無鹽

縱橫饒有風雲氣旖旎偏多絕妙辭比似君家劉子政

老來筆墨付蛾眉

左官謝病臥漳濱漏轉秋堂證夙因識得一詩一手眼

淨名亦是定中身

君撰書時曾感千手眼大士入夢

中秋

海鷗呼風過夜深老榕落葉滿庭陰起來尚有半窗月
獨照離人萬里心

中秋後王大諫表丈招飲使院歸吟五絕

元夜翱翔度曲新曼聲落盡畫梁塵芙蓉幙府清嚴甚
公幹何能平視人

十五吳伶意態殊靡顏遺視繡羅襦饒伊温李新聲妙

難敵當筵一穿珠

今日紅妝舊紫髯，翻令人壓看場圓。劉郎著論真饒舌，

敦洽陽文豈自然。

伶人有以末改旦者，古院本末爲參軍，故借使杜紫髯句。

良友分張此夕同，合尊促席話飄蓬。萼萼街鼓催人去，
一曲琵琶尙未終。

惆悵私憐秋氣深，成連海上幾知音。年來綺語芟除盡，
又剔長檠寫短吟。

樓山先生祀南海神，還用蘇文忠浴日亭韻作詩。
見示敬次奉呈。

東出扶胥碧漲天，畫船信宿泊荒灣。一鉤鹿步洲前月，

數點虎頭門外山大海波濤迴日馭晚秋風色動吟顏
此行已撼驪龍睡看掉雷車萬里間

時正望雨

二月二日

窗外雨不歇壁間燈尙明五更天欲曉一夜夢無成社
鼓村村鬧春池處處平異鄉爲客久喧寂總牽情

舟中晚眺奉和樓山先生韻

向晚春江上晴霞片片紅沙明初受月帆轉已迴風村
落孤烟外蒼茫一氣中謝公多逸興肯放酒杯空

峽中夜行作

轉舵羚羊口風吹水倒流春寒添客恨夢短起鄉愁空

峽星辰動荒江夜氣浮娟娟纖月好故傍木蘭舟

人日端江道中有懷許丈竹素同樓山藩伯作

今日又人日端江曉進帆潮聲走虛壑春色上寒杉忽
憶東園客使君自不凡良時偏在遠杯酒幾回銜

奉陪藩伯王公遊頂湖山寺敬次原韻

一磴如龍起盤盤上翠岑亂泉樵徑沒清磬寺門深鹿
出白雲塢僧歸紅樹林雜花爭吐豔容易客登臨

高步出空際花宮崔以巍日隨羣壑暝雲挾萬山來香
板時時動棠梨處處開林鶯與山鷓留客不教回

置我高亭上平看萬疊泉青春回此日神物起何年

是日

立春所憩亭幽興發初地風流繼朝川仙人緣玉杖佳

正對上龍湫

公屏去騶從策杖遊歷

氣正盤旋

送許丈竹素之潮州

春色方濃候伊人欲去時羅浮一明月正挂綠楊枝帆影投深浦酒波冷屈卮相思千里意朝夕把君詩

丁卯真詩老乾坤碩果留長歌泣神鬼清興發滄洲花月千杯酒江湖一葉舟千鈞吾自重燕雀本悠悠客路七千里春愁一萬重多君飛玉笋相與泛芙蓉此地屢爲別名山河處逢男兒不稱意取笑酒家儂

春寒

入夜衾如鐵連宵臥不安風來長挾雨春到始知寒繞
屋花仍發登樓意渺歡此時江外棹雪片正漫漫

學福齋詩集卷八終

學福齋詩集卷八終

學福齋詩集卷九

雲間沈大成學子

西泠詩鈔

寄懷甫里許素園

射虎中原快著鞭歸來掩戶校詩篇絳紗弟子方開鎮

謂陳裕門中丞

甫里先生自刺船雪壓短篷曾信宿酒醒高館

幾經年

壬戌歲暮大雪中會訪草堂

而今又值殘冬盡炙硯緘題倍

黯然

茂苑風光憶舊蹤新正未破已春濃廣場散樂瓊瑜暖
小院明燈簾幙重清醪十旬甘勺藥紅箋一幅豔芙蓉

先生有望益齋絕句四懸知上郡思殘客悽斷寒山寺
首孟榮本事之遺也

裏鐘

先生每歲春正必至郡城
癸亥余適遊吳相從甚樂

寄懷元和陳光岳

春水門前綠似油昔年曾此一維舟無多花石成幽築
絕少塵埃到選樓三雅高情歸北海二方妙譽冠南州
謂賢兄和叔如何尙作諸侯客踪跡飄蓬亦十秋

姚江周燕儀筍里顧餘菴重爲嶺南之遊口占送
之

攜手河梁無限愁故人將別更夷猶西風周盡靈和柳
不向江頭縮去舟

小樓三宿月如烟良會西湖忽半年贏得傷春兼惜別
霜悽殘角不能眠

長康才調最縱橫公瑾豪情壓百城妬殺花田重載酒
新詩醉續舊題名

哭顧月田丈

花縣頭銜水部才寂寥春夢指枯槐溪南詩老牽人處
曾見開元供奉來

曝書亭集中有與先生遊燕詩

前塵殘客撫霜蓬握手丁寧岐路中今日倍增隣笛感
西州餘慟共無窮

樓山王公薨後先生來視余情語款摯倍于往時可感也

冬缸照雪寒今夜秋柳沿堤憶去年爲爽故人尋菊約

皇元集卷之九
二
不堪重上總宜船

去秋先生約遊西湖事阻不赴

隴山海嶠總浮雲一片銘旌冷夕曛收拾遺文比瓊玖
年年風雨泣秋墳

丙寅新正去家日示內

門外征帆急雪紛錦裯未暖又輕分廿年湖海常爲客
八口饑寒獨累君失意自傷馮衍賦深情誰似若蘭文
杏紅餳白清明後好盼歸舟報夕曛

元夕風雨感賦

入夜寒聲透徹裘又看燈火屋東頭笙歌滿郭逢春沸
風雨漫天替客愁半世依人遊海嶠一生知己託韓歐

鬧蛾至竟同兒戲，變滅浮漚付酒籌。

落花

紅香堆一徑，枝上漸看稀。失路隨風墮，含情共絮飛。飄零非故態，寂寞更斜暉。徒惹闌干淚，春來欲滿衣。

凍雪

凍雪連天暝，寒凝一院陰。悽風吹淚盡，斷夢引愁深。漏促催雞唱，窗虛落雁音。湖塢留滯客，倚枕不成吟。

早春同曹二璞野泛湖作

湖心亭北水連空，一棹晴飛入鏡中。芳草乍經春雨綠，好山半襯夕陽紅。勝情漸覺年來減，舊事尋思與夢同。

把酒笑看堤上柳，禁寒送暖幾番風。

偕同人遊吳山

閒攜吟伴陟高臺，一眺湖山倦眼開。
歸鳥衝烟當檻下，遠帆挾雨渡江來。
忠魂英爽存遺廟，霸業銷沉指劫灰。
正是野梅香滿路，相逢莫放掌中杯。

西溪

一櫂綠溪轉人家，桑竹間寒林真入畫。
野水抱如環，補衲山僧古鳴榔。
漁子閑，永興在何處？
村暝不知還。
西溪梅花

自康熙戊戌大潦後土人盡改種桑永興古寺梅亦零落可歎也

花塢

路入碧天裏琅玕逐步生泉飛空翠濕雲墮晚鐘輕地
暖春生早禽閑客到驚精藍三十六倍引子猷情

飯蘆菴贈克念講師

野水縈相抱潺潺繞寺門春陰隨客艇斜日下寒村齊
已詩名遠天台法乳存道人多妙義可許證梅魂

歸舟同喬餅城作

禁烟初過雨如塵草色青青柳色新道路半生仍作客
風光三月最愁人村醪拍甕堪沉醉仙侶同舟亦宿因
此去家山逢社後西余蘭筍足娛賓

唐堂師留飲詩境

密雨不知晝轉添高館幽細斟千日酒共話一春愁林
萼飄將盡山禽鳴未休侯芭慚老大歲歲感登樓

喜餅城至

連夕燈花喜兼之檐鵲喧歡聞良友至秉燭啟衡門雨
急沉宵柝烟昏失遠村幸藏斗酒在堅坐倒芳尊

雨中渡大泖偕弟季白作

水氣浮天濶濤聲挾雨喧雲深孤塔失村斷數家存佗
條悲生事艱難感弟昆片颿何處宿隻堠晚昏昏

新晴偕同人自清波門登舟尋湖中諸勝

積雨新晴頓浣愁清波門外曉雲收蒼山窈窕銜紅日

綠樹微茫蘸碧流，酒幔堤邊招客醉。
畫闌天半挾仙遊，何當買取瓜皮艇。
常向湖中狎白鷗。

皖江詩鈔

宿句容試院時赴安徽潘中丞幙府

往昔垂髫日，驅車曾此行。
飄零摧壯志，踳蹬薄浮名。
靜夜孤猿嘯，高秋一雁鳴。
華陽有仙伯，濁酒與同傾。

登采石磯

采石一卷石，蒼然大水隈。
江山此設險，兵甲幾回來。
曉霧千帆失，高秋萬木哀。
寂寥袁謝後，獨有謫仙才。

舒城道中

山翠全遮路霜紅半染林近村寒日瘦駐馬亂雲深討
賊伸初志分困激壯心斯人今不作何處覓知音

淮孺旅夜

終宵不交睫落月照窗明寒重稀人語風悽聚柝聲思
家千里夢懷舊廿年情

王樓山先生
曾查賑鳳陽

浩蕩長淮水何時

波浪平

送宜興法明綱之池州

牢落荒江客何堪復送君寒深秋浦月夢遠瀟湖雲一
襖無餘物孤鴻自失羣茫茫塵海內空憶謝將軍

題莊培風學餘集卽送南歸

眉棱鬚磔才如虎一掃紛紛鷺鶴軍餘事更工詞賦在
蠻箋十萬墨成雲

半載西窗其一燈勘殘世味冷春冰狂來醉把浮邱袂
去踏瑤臺十二層

別酒難乾客欲歸唾壺擊缺壯心違天邊無數衝寒雁
故向征途作隊飛

獵獵西風葉葉蒲凍雲北望濕僕餽到家若遇巢髯問
爲說高陽舊酒徒

菘蘭詩鈔

庚午初夏七日冒雨過黃十硯香草齋與林蒼巖

李霖邨許石泉譚燕竟日歸而作詩

秧綠初勻梅子黃
恰逢甚雨到山房
人生何似三春燕
帶水拖泥盡日忙

通津門外麴塵新
拾翠洲南舊笛聲
若問敬容殘客恨
鯨波擁淚哭田橫

侘傺天涯一劍親
擔囊幾踏軟紅塵
卽今誰是孫賓石
肯識街頭賣餅人

玉笈仙人老學翁
西冷小別此重逢
無諸城上饒風雨

何限深情酒瓊中

謂傅太史王露

春水方塘罷釣餘
花南硯北賦閑居
吳趨回首娟娟月

會照歸裝萬軸書

霖村曾爲
吳郡別駕

漫從斯喜辨雷回大璞還憑心匠開幸識少溫遺法在

不孤重上越王臺

謂蒼巖
姪岳

千秋盛業商知己後世誰當定我文寂寞江天風雨夜

少微光氣自氤氳

十硯以香草
齋集索序

雨窗雜咏

冬郎老去客南州舊夢銷沉逝水流到眼桐花無限恨

泚泚清淚幾時休

亡兒一震去歲
病危亦夏月也

捉鼻沉吟句未安枯腸難倚酒杯寬數聲山鷓催殘雨

又釀天南一日寒

底須拓鞞鬪身強長日丹鉛策最良一榻蕭然塵不到
春來唯覺校書忙

尺素遙傳墨瀋新緘題月日寄初春孤舟風雪胥江上
猶憶南皮舊酒人

近得吳中許
丈廷錄書

五十無聞白髮侵湖山到處暢幽尋好風卷雨過江去
又送鶯聲逗客心

七夕偕顧餘菴戚仍夫作

秋雨連宵特地晴一痕新月上墻生謝宅烏鵲填橋就
可許梁清到玉京

犢鼻年來已滿塵相逢把臂欲沾巾方平小妹無聊甚

亂擲丹沙向路人

車輪四角行邛坂縱得豨膏路自遙吾拙已成無可乞
莫令兒女笑孫樵

題蒼巖一硯歸耕圖

世間礪瘡無如硯何事翁偏倚作田我輩半生饑欲死
幾時酌酒慶逢年

雲曹下直猶書獄巡院相從祇竿緡今日小窗供點勘
烏皮几滑絕纖塵

二分烟月繫人思聽徹楊枝與竹枝爲問竹西歌吹路
近來誰繼冶春詩

淮南鹽鐵傳新論鴻筆爭推似鹿原猶憶坐殘詩境兩

深杯燈底話牢盆

林曾與唐堂先師脩齋志于廣陵詩境先師齋名也

題甘泉宮瓦

甘泉宮闕冷秋烟片瓦蒼堅默守兮屈指元封到今日
雨銷霜蝕二千年

薄寒中我酒微醒翦燭摩杪百感生莫話通天臺畔事
江東已老沈初明

綈囊珍重展華茵短句長吟墨瀋新百世尙收文字報
不孤當日愛詞人

庚申之夏故太原公自粵赴閩長洲華子湘出送

珠江之上今茲辛未七夕後一日重晤于此俯仰
疇昔十二年矣悽然歎興悲喜交集而作是詩

菱荷風引木蘭舟往事尋思十二秋爲問扶胥江上水
可能不改舊時流

射堂絲竹久銷沉淚盡山陽一笛音孤負攀枝花似火
年年開謝向墻陰

敬容殘客感霜蓬何幸深杯此夕同池館依然秋月皎
與君滴酒醉羊公

鍾期才調自縱橫藉甚欣聞滿穗城誰道楚南惟有石
不知人是柳先生

謂鬱林鍾
靈杰人

烟雨迷濛指鳳臺會招許叟刺船回瓜牛歸臥吳江後

載酒誰尋嶺外梅

謂長洲許廷鑠素園

窮經不辦書驢券索米無能對栢塗鉛槧尙堪驅使在

年來唯與古爲徒

近鈔史記漢書將竟

屋瓦無端飄到門秋風挾雨易傾盆苑枯反覆尋常事

只看檐前萬樹髡

十四日颶風拔木

子山詞賦秋蕭瑟白髮江關篇什多一咏奚囊征雁句

唾壺擊缺奈愁何

子湘以途中一詠雁詩見示

落魄春遊市上簫酒旗到處慰無聊風光爛漫聽猶醉

尙未狂吟徧十橋

子湘言自閩門至寒山寺所過十橋皆酒旗歌板處

雨窗述懷

卅載猶萍梗重來閩海隅飄零隨轉燭急就寫奇觚香
晚籬邊菊聲寒井上梧此邦甘海物幾見蟹螯麤

左計耽篇籍支離是我師劇憐心匪石漸覺鬢如絲世
曷求予晏人今笑白癡寂寥枯硯北光氣在蒼池

中歲爲夫婦年年事遠遊艱難遺井臼風雪擁衾綈况
有劉滔淚縣知蘇蕙愁何須江上月倚徧仲宣樓

嗟奪童烏酷蹉跎罷草予白頭餘我在緬素付誰傳羸
博年年恨蘭成字字憐九原念瓜葛夢墮枕函邊

羊曇悲謝傅杜老感房公滴淚重泉下傾心一諾中殘

燈孤照雨宿草暮呼風天地留詩卷蒼涼巴峽東

九日同人小集得句索和

天涯逢九日相對且銜杯
籬菊催秋老江雲送雨來
登山思舊侶戲馬失高臺
白髮嗟衰退紛紛作賦才

題汪槐塘對牀風雨圖

昔夢驚風雨中年感脊令

時令兄蘅洲已沒

一燈留隻影萬里

抱遺經襍被逢秋冷
縑緗卷淚零孔懷同不寐
落葉滿空庭

學福齋詩集卷九終